




# საშურის მოახბა



№29 (2780)

18 ნოემბერი, ოთხშაბათი, 2020 წელი

## 21 ნოემბერს არჩევნების მეორე ტურია

შაბათს, 21 ნოემბერს, საქართველოს პარლამენტის არჩევნების მეორე ტურია. როგორც ცნობილია, საშურის, ქარელისა და გორის სოფლების მაჟორიტარულ ოლქში გამარჯვებისათვის 17 კანდიდატი იბრძოდა. გამარჯვებისათვის საჭირო იყო ხმების 50 % დაგროვება პლუს ერთი ხმით. არჩევნების პირველმა ტურმა გამარჯვებული ვერ გამოავლინა. არსებული კანონმდებლობით, მეორე ტურში, ორი კანდიდატი იბრძოლებს. პარტია „ქართული ოცნება-დემოკრატიული საქართველოს“ კანდიდატი ზაალ (ზაზა) დუგლაძე (№41 პირველ ტურში მიიღო ხმების 49,34 პროცენტი) და ერთიანი ნაციონალური მოძრაობის (გაერთიანებული ოპოზიცია „ძალა ერთობაშია“) კანდიდატი ნატო ჩხეიძე (№5, პირველ ტურში მიიღო ხმების 29,62 პროცენტი).

არჩევნების მეორე ტური გამოავლენს ვინ იქნება საშურის, ქარელისა და გორის სოფლების ამომრჩეველთა ხმა საქართველოს პარლამენტში, ამიტომ მოგიწოდებთ ყველას, მოიხადეთ თქვენი სამოქალაქო ვალი, იყავით აქტიურები, მიდით საარჩევნო უბნებზე და შემოხაზეთ თქვენთვის სასურველი კანდიდატურა.



## საშურის მუნიციპალიტეტის მერის, გიორგი გურასპაშვილის განცხადება

მოგესალმებით, მეგობრებო!

მინდა, გაცნობოთ ერთი მნიშვნელოვანი გადაწყვეტილების შესახებ. სუბიექტური გარემოებების გათვალისწინებით, ვტოვებ საშურის მერის თანამდებობას, რადგან მიმაჩნია, რომ ცხოვრების ამ ეტაპზე ეს ყველაზე სწორი და დროული ნაბიჯია.

აქვე, ვისარგებლებ შემთხვევით და პირველ რიგში, დიდი მადლობა მინდა გადავუხადო ამომრჩეველს - ჩემს საშურელებს გამოჩენილი ნდობისთვის, ასევე, ჩემს თანამშრომლებს, ვისთან ერთადაც ჩვენი ქალაქისთვის არაერთი მნიშვნელოვანი პროექტი განვახორციელე.

დარწმუნებული ვარ, ისინი ახლა უკვე ჩემს გარეშე განაგრძობენ ჩვენი ქალაქის განვითარებაზე ზრუნვას.

ამასთანავე, ყოველგვარი პოლიტიკური სპეკულაციების თავიდან ასარიდებლად, საზგასმით ვაცხადებ, რომ, რა თქმა უნდა, ვრჩები „ქართული ოცნების“ პოლიტიკური გუნდის წევრად და ვაგრძელებ ჩვენი პარტიის წარმომადგენლებთან როგორც საქმიან, ისე მეგობრულ ურთიერთობას. მტკიცედ მჯერა, რომ ჩვენი პოლიტიკური გუნდი არჩევნების მეორე ტურში დამაჯერებლად გაიმარჯვებს და ქართველი ხალხის გადაწყვეტილებით, სწორედ „ქართული ოცნება“ იქნება მმართველი ძალა მომავალი 4 წლის განმავლობაშიც!

პატივისცემით,  
გიორგი გურასპაშვილი,  
12 ნოემბერი, 2020 წელი

საშურის მუნიციპალიტეტის მერის გადადგომა ცნობად მიიღო საშურის მუნიციპალიტეტის საკრებულომ. არსებული კანონის შესაბამისად, მუნიციპალიტეტის მერის მოვალეობის შესრულება დაევა-

### ზვიად ქურდაძე

ლა დაიბადა 1977 წლის 9 სექტემბერს. დაამთავრა საშურის II საჯარო სკოლა, შემდეგ კი გორის სასწავლო უნივერსიტეტი (ეკონომისტი, ბუღალტრული აღრიცხვა, ეკონომიკური ანალიზი, აუდიტი, მაგისტრი).

შრომითი საქმიანობა დაიწყო 1998 წლიდან საშურის რაიონულ საგადასახადო ინსპექციაში გადასახადების ამკრეფად. შემდეგ წლებში იყო საგადასახადო ინსპექტორი, გადასახადების ადმინისტრირების სამმართველოს საშურის განყოფილების უფროსი და კონტროლის განყოფილების მთავარი ინსპექტორი.

2010-დან 2017 წლამდე იყო ჯერ შემოსავლების სამსახურის გორის რეგიონული ცენტრის მთავარი ოფიცერი, შემდეგ კი საქართველოს ეკონომიკისა და მდგრადი განვითარების სამინისტროს შიდა ქართლის სახელმწიფო ქონების სამხარეო სამმართველოს მთავარი ოფიცერი.

2017 წლის დეკემბრიდან ასრულებდა საშურის მუნიციპალიტე-



ტის მერის პირველი მოადგილის მოვალეობას. ჰყავს მეუღლე და ორი შვილი.

## სვლილაბაი პროგრამაში „ანარჩოი საქართველოში“

გახანგრძლივდება სახელმწიფო პროგრამის „თანდაფინანსების მექანიზმი მცირე, საშუალო და საოჯახო სასტუმრო ინდუსტრიის ხელშეწყობისათვის“ ვადა, რათა უფრო მეტმა მეწარმემ შეძლოს მასში მონაწილეობის მიღება. ასევე ცვლილების თანახმად დაშვებული იქნება შერეული მიზნობრივობით გაცემული სესხების სუბსიდირებაც, რაც მნიშვნელოვნად გაზრდის დაფინანსების მიმღებთა ოდენობას.

## ლონისძიაბაის ორგანიზაციის სვანოში

მოქმედი ბენეფიციარი სახელმწიფოსთან სესხის თანადაფინანსებას მიიღებენ

სასტუმროების მხარდაჭერის პროგრამით, დღეის მდგომარეობით, უკვე დაფინანსდა 1 873 პროექტი (1 339 უნიკალური სესხი). დაფინანსების მოცულობა შეადგენს 24 759 697 ლარს.

ასევე, მნიშვნელოვანია, რომ ცვლილება შედის სახელმწიფო პროგრამაში „საკრედიტო საგარანტიო სქემა“ - იზრდება პროგრამის სამიზნე ეკონომიკური საქმიანობების ჩამონათვალი. აღსანიშნავია, რომ პანდემიის ეკონომიკაზე გავლენის გათვალისწინებით, სამიზნე მიმართულებებს დაემატება ბიზნეს და სავაჭრო დონისძიების, შეკრებების და კონფერენციების მიმართულებები, ასევე ყინულის წარმოება.

ასევე, საკრედიტო გარანტია უკვე შესაძლოა გაიცეს ისეთ ეკონომიკურ საქმიანობების ფარგლებში აღებულ სესხებზე, როგორებიცაა: ყურძნის მოყვანა, ტროპიკული და სუბტროპიკული ხილის მოყვანა, ციტრუსების მოყვანა, ზეთოვანი, თესლოვანი და კურკოვანი ხილის მოყვანა, კულტურების მოყვანა სახმელეების წარმოებისათვის, სანელებლების, არომატული და ფარმაცევტული კულტურების და სხვა მრავალწლოვანი კულტურების მოყვანა.

პროგრამის „წარმოე საქართველოში“ ფარგლებში, მეწარმეთა ფინანსებზე ხელმისაწვდომობისთვის, ინდუსტრიულ ნაწილში აქამდე არსებულ მიმართულებებს ემატება კვლევები და ექსპერიმენტული დამუშავებები, ფიზიკური, ქიმიური და სხვა ანალიზური გამოცდების ჩატარება და ა.შ.



- ფასიანი პოლიტიკური რეკლამა -

# „ქვეყნის სამსახური ყველგან მსხვერპლია და არა სეირი...“

ზაალ (ზაზა) დიმიტრის ძე დუგლაძე დაიბადა 1971 წელს ხაშურში, დიმიტრი დუგლაძის და მანანა ჩოჩიშვილი-დუგლაძის მრავალშვილიან ოჯახში. დაამთავრა თბილისის აგრარული უნივერსიტეტი, ინჟინერ-ტექნოლოგის სპეციალობით. 1996 წელს მუშაობა დაიწყო სს „ვაზიანში“ ტექნოლოგად. 2000 წლიდან 2011 წლამდე ეკავა წარმოების უფროსის თანამდებობა. 2004 წელს დაარსა მპს „დუგლაძეების ღვინის კომპანია“ და 2012 წლიდან დღემდე მისი გენერალური დირექტორია.

როგორი იყო მისი ბავშვობა?... გაიზარდა საკმაოდ მკაცრი მორალური და ზნეობრივი კანონებით, უყვარდა შრომა, არასოდეს დაუხვია უკან უსამართლობაზე, კაცთმოყვარეობა და სტუმართმოყვარეობა გახლდათ მისი ოჯახის სავიზიტო ბარათი. საქართველოში დედა არის ყველა სიწმინდის, სიკეთის, ყველაფერ კარგის და ლამაზის დამტვევი სიტყვა. ასე იყო ბატონი ზაალის ცხოვრებაშიც, ქალბატონი მანანას სამშენისი მისი შვილები იყო, ქმნიდა ოჯახში თბილ გარემოს და სიმყუდროვეს. 18 წლის ასაკში ზაალმა დაკარგა ცხოვრების ყველაზე მკვირფასი ადამიანი. მწუხარების გადატანას ბავშვები იმ ადამიანებისგან სწავლობენ, რომლებიც მათზე ზრუნავენ. მამა იყო ზაალის ოჯახის ძლიერი გამაერთიანებელი, რომელმაც თავის თავზე წარმოუდგენლად დიდი სატკივარი აიღო, ის იყო მისი დიდი მეგობარიც და მესაიდუმლეც. 30 წლისამ ეს იმედიც დაკარგა და ასე ცხოვრობს თავისი ტკივილიანი მოგონებებით. სიჭაბუკისა და სტუდენტობის პერიოდში მისდევდა სპორტს, დაკავებული იყო ჭიდაობით და სათხილამურო სპორტით. არის მრავალი ტურნირის გამარჯვებული და პრიოზიორი.

როგორც გალაკტიონ ტაბიძე ამბობს „თვით უკვდავებაც არ არსებობს უსიყვარულოდ“, ბატონ ზაალს ეს დიადი გრძნობა 29 წლის ასაკში ეწვია. ვინ არის მისი რჩეული?... სიფრიფანა, მშვენიერი ქალბატონი, რომლის მოკრძალებამ და დახვეწილმა მანერებმა არ შეიძლება ადფრთოვანებული არ დაგტოვოს. ქალბატონი ეკა კოტარია, პროფესიით იურისტი, საქართველოს მეცნიერებათა აკადემიის ერთ-ერთი ფუძემდებლის, აკადემიკოს ნიკო კეცხოველის შვილთაშვილია. მომავალი მეუღლე ჯერ კიდევ სკოლის ასაკში გაიცნო. როგორც ნოდარ დუმბაძე ამბობს „სიყვარული ეს ნიჭია, რომელიც ღმერთმა ადამიანს უბოძა“, ბატონი ზაალი ამ ნიჭითაც უხვადაა დაჯილდოებული, მათ ოჯახში სიყვარულის მარადიული დღესასწაულია. ამ დღესასწაულს სხვა მონაწილეებიც ჰყავს და ესენი მათი შვილებია, „ორი ბრილიანტი“, როგორც მათ ზაალი ეძახის, მარიამი და ლიზიკო. მარიამი პროფესიას ლონდონში ეუფლება, ლიზიკო სკოლის მოსწავლეა და მომავალ პროფესიაზე ჯერ კიდევ ფიქრობს. შვილები ჯანსაღი ცხოვრების წესს იცავენ, უყვართ ჩოგბურთი და სამთო-სათხილამურო სპორტი.

რა არის დუგლაძეების ოჯახის კიდევ ერთი მახასიათებელი?... დედამამიშვილობის - ღვთისგან ბოძებული დიდი მადლი, სიყვარული, რომელსაც ვერავინ და ვერაფერი წაშლის, ურთიერთპატივისცემითაა გაჯერებული მათი თითოეული სიტყვა, ისინი დიდი მეგობრებიც არიან.

ზაალ დუგლაძე პარტია „ქართული ოცნება-დემოკრატიული საქართველოს“ გუნდმა ხაშურისა და ქარელის მაჟორიტარი დეპუტატობის კანდიდატად წარადგინა, ეს არის მისადმი გამოცხადებული უდიდესი ნდობა. არჩევნების II ტური 21 ნოემბერს გაიმართება.

როგორია ზაალ დუგლაძის საარჩევნო პროგრამა?... იგი დასაბუთებულია საქართველოს სოციალურ-ეკონომიკური მდგომარეობიდან გამომდინარე, ბოლო 8 წლის განმავლობაში განხორციელებული დადებითი ძვრებით და გაჯერებულია რეალური ციფრობრივი მონაცემებით. ზაალი გახსნილია ყველა ამომრჩეველთან დიალოგისთვის. მისი ურთიერთობა ხაშურისა და ქარელის მოსახლეობასთან ორიენტირებულია ურთიერთპატივისცემასა და მაღალ ნდობაზე.

უმაღლესი საკანონმდებლო ორგანოს კანდიდატი თავის ამომრჩევლებს, ამ მუნიციპალიტეტების შესაძლებლობებიდან გამომდინარე, სთავაზობს სამომავლო გეგმებს და თანადგომას, რომელიც ორიენტირებულია მეწარმეობის განვითარებასა და დასაქმებაზე. როგორც ილია ჭავჭავაძე ამბობს: „ქვეყნის სამსახური ყველგან მსხვერპლია და არა სეირი...“ და იგი მზადაა გაიღოს ეს მსხვერპლი.

როგორია მისი პოლიტიკური მესიჯები:

- განათლება და ეკონომიკური კეთილდღეობა, რადგან სწორედ ეს იქნება ქართული ოცნების სამოქმედო გეგმა და მიზანი მომდევნო წლების განმავლობაში;
- მუნიციპალიტეტებში, რომლებშიც წამყვანი ეკონომიკური მიმართულება აგროსექტორია, არ შეიძლება ამ სექტორზე ორიენტირებული პროფესიული სასწავლებლები არ იყოს, ბაზრის კვლევისა და მოთხოვნების შესაბამისად. მოხდება ინკლუზიური განათლების და მასწავლებელთა პროფესიული განვითარების ხელშეწყობა;
- საკანონმდებლო ორგანოში დააყენებს საკითხს ქვეყანაში დამატებითი სასოფლო-სამეურნეო ტექნიკის შემოყვანის აუცილებლობასა და რეგიონებში სამართლიანად გადანაწილების

თაობაზე;

- საკანონმდებლო ორგანოში დააყენებს საკითხს „სოფლის მხარდაჭერის პროგრამის“ ბიუჯეტის გაზრდის თაობაზე, რათა მოხდეს სოფლებში ხილისა და ბოსტნეულის გადამამუშავებელი და საკონსერვო წარმოების აღდგენა და სოფლად სამუშაო ადგილების შექმნა, რადგან სასიცოცხლოდ მნიშვნელოვანია დასაქმების საკითხი;
- საქართველოს მთავრობამ დეცენტრალიზაციის ახალ სტრატეგიაზე მუშაობა დიდი ხანია დაიწყო და ეს პროცესი 2025 წლისთვის დასრულდება. ადგილობრივი თვითმმართველობის განვითარება ქვეყნის გაძლიერების საფუძველია. აუცილებელია ახალი პოტენციალის დანახვა, ადგილობრივი მოსახლეობისთვის პერსპექტივის გაჩენა ადგილებზე;
- უნდა მოხდეს მიტოვებული სივრცეების ათვისება, სტარტაპების წახალისება და ინვესტორების მოზიდვა, რაც შექმნის ახალი სამუშაო ადგილებსა და ქალაქების ბიუჯეტისთვის



დამატებითი შემოსავლის წყაროც იქნება;

- მეტი დატვირთვით უნდა იფუქციონიროს მუზეუმებმა, უნდა შეიქმნას საგამოფენო სივრცეები და გაიხსნას კინოთეატრები;
- ერთხელ და სამუდამოდ უნდა გადაწყდეს სავალი გზის პრობლემა და ეს საარჩევნო დაპირების ნაწილი არ უნდა იყოს.
- ოჯახური ძალადობა ერთ-ერთი მწვავე პრობლემა, სადაც მსხვერპლთა უმრავლესობა ქალია. უნდა შეწყდეს გოგონების მკვლელობები, უნდა მოხდეს ქალთა უფლებების მეტად დაცვა, საქართველოს საკანონმდებლო ორგანოში შესვლის შემდეგ ვიქნები ის დეპუტატი, რომელიც აქტიურად მოახდენს ამ პრობლემაზე მსჯელობას;
- უნდა შემუშავდეს ხაშურის და ქარელის რაიონების ტურისტული პოტენციალის უკეთ ათვისების სტრატეგია;
- უნდა ავამუშავოთ ბავშვების დასვენების პროგრამა საკურორტო-გამაჯანსაღებელ საზაფხულო ბანაკებში-სურამში;
- აუცილებლად მოხდება მასობრივი სპორტის განვითარება, სპორტული კლუბების ჩამოყალიბება, სასკოლო და საქალაქო ტურნირების ორგანიზება;
- ისევ ილია ჭავჭავაძეს დავესხებები: „რამდენადაც არ უნდა მოგვწონდეს ახალი თაობა, უნდა ვენდოთ მას, ისინი არიან ჩვენი მომავალნი, არიან ჩვენი დანატოვარი და რარიგ დიდი წარსულიც არ უნდა ჰქონდეს ხალხს, ის მაინც მომავლით უნდა ცხოვრობდეს.“ ყველაფერი უნდა გავაკეთოთ იმისათვის, რომ ჩვენი რაიონის ახალგაზრდობამ არ დატოვოს მშობლიური კერა;

ქართულ ხალხურ პოეზიაში ასეთ ლამაზ სიტყვებს ამოვიკითხავთ:  
 „ვაზი და ქართველი კაცი  
 ღმერთს ერთად გაუჩენია,  
 როცა ერთ მათგანს უჭირდა,  
 მეორეს გადურჩენია“...

ქართველ კაცს არ შეეძლო ცხოვრება უვანოდ. მისი ეკონომიური მნიშვნელობა დიდი იყო და არის დღესაც. ზაალ დუგლაძე ის კაცია, რომელიც უფლის დააშენებს ვაზს, რადგან იცის, არ გაუვლია ქართულ მიწაზე უცხოელ მოგზაურს, რომ ქართული ღვინის სიკეთით განცვიფრებულს ქებითა და დიდებით არ მოეხსენებინოს იგი. კაცს, რომელსაც ვაზის მოვლა უყვარს არ შეიძლება ოქროს გული არ ჰქონდეს და ასეა კიდევ, ესაა სიტყვის და საქმის კაცი, გამოცდილი, დინჯი და მომავლის დიდი რწმენით სავსე. იგი თავისი ცოდნით, ღირსებით და დიდი გეგმებით დგას ამომრჩევლების წინაშე და სურს გაუძღვეს უკეთესი ცხოვრებისა და კეთილდღეობისაკენ. დამოუკიდებელი საქართველოს პოლიტიკური ჩიდილის ისტორიაში უფრო და უფრო რთული ხდება ამომრჩევლის დარწმუნება ხმების მოსაპოვებლად, მაგრამ დარწმუნებული ვართ, რომ 21 ნოემბერს ამომრჩეველი მიიღებს გონივრულ გადაწყვეტილებას, მისცეს ზაალ დუგლაძეს პოლიტიკური მანდატი საქართველოს უმაღლეს საკანონმდებლო ორგანოში შესასვლელად.

# დიუდო ხაშურია ევროპას გადაუარა



რა თქმა უნდა, სათაურში გამოტანილი “ახრი” მეტაფორული გამოთქმაა, მაგრამ ვინც ამ დღეებში, 23 წლამდელებში, დიუდოში, ევროპის ჩემპიონატს ადევნებდა თვალს, დაგვეთანხმება, რომ ამ მეტაფორაში არის სიმართლის მარცვალი. ა, ბატონო, ფაქტიც: საქართველოს ნაკრებში, ამ ჩემპიონატზე, ხაშურის საჭიდაო სკოლის სამი აღზრდილი იღებდა მონაწილეობას. სამი ხაშურელი ევროპის ჩემპიონატზე უკვე, თავისთავად, ბევრის მთქმელია. მართალია, ამ სამიდან ორი, დღეს, სხვა ქალაქის სახელით ასპარეზობდნენ, მაგრამ ეს სრულებითაც არ აკნინებს ჩვენს საჭიდაო სკოლას, სადაც მათ ფეხი აიდგეს და დაოსტატდნენ. ბოლოს და ბოლოს, ისინი ჩვენი თანამოქალაქეები არიან და ამით ყველაფერია ნათქვამი.

დავიწყოთ ლუკა მაისურაძით. ეს ბიჭი, რომელსაც ხაშურის სახელი, უკვე წლებია, გააქვს მსოფლიოში, მართლაც, უდიდესი ტალანტია და ეს ამ ჩემპიონატზეც დაამტკიცა. ნაკრების მწვრთნელების გადაწყვეტილებით, ლუკას წონა შეუცვალეს და თავისი “მშობლიური” 81 კილოგრამიდან 90-ში აწიეს. არც აქ შეირცხვინათავი ჩვენმა “ოქროს ბიჭმა” და გრიალით გადაუარა ყველას. მხოლოდ ფინალში გვანერვიულა ცოტა, როდესაც რუს მოჭიდავესთან, თავდაპირველად, აგებდა, მაგრამ ბოლო წამებზე ისე დააი-

პონა მოწინააღმდეგე, რომ რუსი, კარგა ხანი, გონზე ვერ მოვიდა. ლუკა ჩვენი ოლიმპიური იმედია და გვჯერა, იქაც ახალი ტიტულის მფლობელი გახდება. ტატო გრიგალაშვილი ასევე დიდი მომავლის მქონე მოჭიდავეა. მან ნელ-ნელა დაიმკვიდრა ნაკრებში სახელი და დღეს ევროპის მასშტაბით ანგარიშგასაწევი ძალაა ყველასათვის. ამ ჩემპიონატზე იგი 81 კგ წონით კატეგორიაში ასპარეზობდა და ოქროს მედლითაც დაიმშვენა მკერდი. მისი გამოსვლა ნამდვილი ჩემპიონის დარი იყო და ამაში არც ერთი სპეციალისტისთვის არ გაუჩენია იოტისოდენა ეჭვის საბაზისი კი.

თემურ ნოზაძე 60 კილოგრამ წონით კატეგორიაში იპყრობს ევროპას. მართალია, ამ ჩემპიონატზე, მხოლოდ ფინალში იწვინა დასანანი მარცხი, მაგრამ ევროპის ჩემპიონატის ვერცხლის მედალი სულაც არაა სახუმარო ამბავი.

ბრავო, ბიჭებო! თქვენი წარმატებებით ძალიან ამაყები ვართ და გვიხარია, რომ დიუდოს მსოფლიო რუკაზე ხაშურის სახელი დიდი ასოებით ჩაწერეთ. ისიც გვჯერა, თქვენი უფრო დიდი წარმატებები წინაა და თქვენი გამარჯვებებით არა მარტო ჩვენ, არამედ მთელი საქართველო კიდევ ბევრჯერ გაიხარებს.



- ფეხბურთი -

## ჩემპიონობა - ზაზაზე მესხრად

საქართველოს რკინიგზელთა პროფესიული კავშირის თავმჯდომარის გელა გელაშვილის და ხაშურის რეგიონის პროფკავშირის გამგეობის წარმომადგენლის მიღერ ლომიძის ორგანიზებით, რკინიგზის სამსახურების ხელმძღვანელების პროფკავშირების პირველადი ორგანიზაციების თავმჯდომარეების, სასპორტო სკოლის დირექტორის ივანე ხარაზიშვილის და ამავე სკოლის სპეციალისტის იური ნოზაძის დახმარებით, ამ დღეებში, გაიმართა უკვე ტრადიციად ქცეული საქართველოს ჩემპიონატის რეგიონული ტურნირი მინი-ფეხბურთში. რკინიგზის სამსახურებს შორის ჯგუფური სისტემით გამართულ ტურნირში თითოეულ გუნდს სამი თამაშის ჩატარება მოუწია. ტურნირის ისტორიაში ზედიზედ მეცხრედ გაიმარჯვა უღელტეხილის სალიანდაგო სამმართველოს გუნდმა “უღელტეხილმა”. მეორე ადგილზე სადგურ ხაშურის, ხოლო მესამეზე-სავაგონო დეპოს გუნდები გავიდნენ. საპრიზო ადგილებზე გასული გუნდები დაჯილდოვდნენ თასებით, მედლებით და დიპლომებით. გამარჯვებულ გუნდის შემადგენლობა ასეთი იყო: ირაკლი იჩქიტაძე, გიორგი ბაბლიძე, პაპუნა რევაზიშვილი, ანზორ მჭედლიძე, ზაზა ტაბატაძე, ჯაბა ჩადუნელი(გუნდის კაპიტანი), იმედა მეტრეველი, გიორგი ბეროზაშვილი, გიორგი მურჯიკელი, გიორგი გოგოლაძე.

გულოცავთ, უღელტეხილის სალიანდაგო სამმართველოს ფეხბურთელებს გამარჯვებას და შემდგომ წარმატებებს ვუსურვებთ სპორტსა და იმ მუხლჩაუხრელ შრომაში, რომელსაც ისინი ეწევიან ჩვენი ქვეყნის აღორძინებისა და გაძლიერებისათვის.



იმედა მეტრეველი, ხაშურის მუნიციპალიტეტის საკრებულოს დეპუტატი, რკინიგზის პროფესიული კავშირის უღელტეხილის სალიანდაგო სამმართველოს პირველადი ორგანიზაციის თავმჯდომარე

ა(ა)იპ ხაშურის მუნიციპალიტეტის გაზეთი „ხაშურის მოამბე“. დირექტორი გიორგი გოგოლაძე, მისამართი: ხაშური, ტაბიძის ქუჩა №2. ტელეფონი: 24 30 27.  
E-mail Khashurismoambe2015@gmail.com მიმღების დასახელება: ხაზინის ერთიანი ანგარიში, საიდენტიფიკაციო კოდი 443860984, სახელმწიფო ხაზინა TRESGE22, სახაზინო კოდი: 749547499.  
P-ით მონიშნული სტატია იბეჭდება დაკვეთით გაზეთი იბეჭდება თბილისში. რედაქტორი რობერტ სუხიაშვილი.